

- (2) Elektronsku evidenciju o revizionim postupcima vodi Ministarstvo, po posebnom obrascu koji propisuje ministar Ministarstva u roku od sedam dana od dana stupanja na snagu ove Uredbe.

DIO TREĆI - PRIJELAZNE I ZAVRŠNE ODREDBE

Član 18.

(Primjena odredbi Zakona o upravnom postupku)

U postupku za ostvarivanje prava po ovoj Uredbi primjenjuju se odredbe Zakona o upravnom postupku ("Službene novine Federacije Bosne i Hercegovine" broj 2/98, 48/99 i 61/22), ukoliko Uredbom ili propisom donesenim na osnovu Uredbe nije drugačije propisano.

Član 19.

(Instrukcije i nadzor)

- (1) U realizaciji ove Uredbe Ministar može donijeti odgovarajuće instrukcije.
- (2) Nadzor nad provođenjem ove Uredbe i propisa donesenih na osnovu nje vrši Ministarstvo.

Član 20.

(Ravnopravnost spolova)

Sve imenice koje se odnose na demobilizirane branioce upotrijebljene u ovoj Uredbi samo u muškom ili samo u ženskom rodu, odnose se na oba spola.

Član 21.

(Stavljanje Uredbe van snage)

Danom početka primjene ove Uredbe prestaje važiti Uredba o novčanoj egzistencijalnoj naknadi za demobilizirane branioce ("Službene novine Zeničko-dobojskog kantona" broj: 6/20, 15/21, 18/22 i 3/24).

Član 22.

(Stupanje na snagu Uredbe)

Ova Uredba stupa na snagu osmog dana od dana objavljivanja u "Službenim novinama Zeničko-dobojskog kantona", a primjenjuje se od 01.01.2025. godine.

Broj: 02-02-21446/24
Datum, 27.12.2024. godine
Zenica

P R E M I J E R
Nezir Pivić, s.r.

7.

Na osnovu člana 16. stav (1) Zakona o Vladi Zeničko-dobojskog kantona- Prečišćeni tekst ("Službene novine Zeničko-dobojskog kantona", broj 7/10 i 3/23) i člana 25. Zakona o dopunskim pravima branilaca i članova njihovih porodica ("Službene novine Zeničko-dobojskog kantona" broj 15/24), na prijedlog Ministarstva za boračka pitanja, Vlada Zeničko-dobojskog kantona, na 63. sjednici, održanoj dana 27.12.2024. godine, d o n o s i

U R E D B U O PREDNOSTI U ŠKOLOVANJU DJECE BRANILACA

DIO PRVI - OPĆE ODREDBE

Član 1.

(Predmet Uredbe)

Ovom Uredbom utvrđuju se uslovi, način i postupak ostvarivanja prava na prednost u redovnom školovanju branilaca i članova njihovih porodica koji imaju prebivalište na području Zeničko-dobojskog kantona (u daljnjem tekstu: Kanton), kao i povratnika u entitet Republiku Srpsku koji ostvaruju osnovna prava iz branilačko-invalidske zaštite u gradovima/općinama Kantona i koji su na evidenciji nadležnog organa za vojne evidencije u gradovima/općinama Kantona.

Član 2.

(Prava)

Prednost u školovanju branilaca i članova njihovih porodica, u skladu sa ovom Uredbom, obuhvata sljedeća prava:

- a) prednost pri upisu u obrazovne ustanove i smještaju u đački i studentski dom;
- b) besplatan upis u novu školsku/studijsku godinu i
- c) pomoć za nabavku školskih udžbenika i pribora.

Član 3.

(Korisnici prava)

Korisnici prava po ovoj Uredbi su djeca:

- a) dobitnika ratnog priznanja i odlikovanja;
- b) ratnog vojnog invalida;
- c) demobiliziranog branioca koji je u periodu od 06.04.1992. do 23.12.1995.godine u sastavu Oružanih snaga proveo najmanje 24 mjeseca odnosno 12 mjeseci, ukoliko je u OS pristupio kao maloljetno lice ili šest mjeseci po punoljetstvu;

- d) umrlog dobitnika ratnog priznanja i odlikovanja;
- e) umrlog ratnog vojnog invalida i
- f) umrlog demobiliziranog branioca koji je u periodu od 06.04.1992. do 23.12.1995.godine u sastavu Oružanih snaga proveo najmanje 24 mjeseca odnosno 12 mjeseci, ukoliko je u OS pristupio kao maloljetno lice ili šest mjeseci po punoljetstvu, dok su na redovnom školovanju.

Član 4.

(Dokazivanje statusa)

U postupku ostvarivanja prava, branioci i članovi njihovih porodica svoj status dokazuju rješenjem nadležne gradske/općinske službe o priznavanju svojstva dobitnika ratnog priznanja i odlikovanja i ratnog vojnog invalida, odnosno člana porodice šehida, poginulog, umrlog, nestalog branioca i člana uže porodice poginulog, umrlog ili nestalog dobitnika ratnog priznanja i odlikovanja, ili uvjerenjem nadležnog organa izdatog u skladu sa Zakonom o upravnom postupku ("Službene novine F BiH" broj 2/98, 48/99 i 61/22), a demobilizirani branilac uvjerenjem VFMB-3a izdatog od strane nadležne Grupe za pitanja evidencija iz oblasti vojne obaveze.

DIO DRUGI - OSTVARIVANJE PRAVA

POGLAVLJE I. UPIS U OBRAZOVNE USTANOVE I SMJEŠTAJ

Član 5.

(Prednost pri upisu u obrazovne ustanove i smještaju u đački i studentski dom)

Korisnik prava ima pravo prvenstva pod jednakim uslovima pri upisu na redovno školovanje i studij u obrazovnu ustanovu čiji je osnivač Kanton ili grad/općina, odnosno smještaju u đački i studentski dom na području Kantona.

Član 6.

(Besplatan upis u novu školsku/studijsku godinu)

Korisnik prava, ima pravo na besplatan upis na redovno školovanje i studij u novu školsku/studijsku godinu u srednjoškolskoj i visokoškolskoj ustanovi čiji je osnivač Kanton ili grad/općina.

Član 7.

(Izuzeće od prava)

Pravo iz člana 5. ove Uredbe koje se odnosi na smještaj u đački i studentski dom i pravo iz člana 6. ove Uredbe, ne može ostvariti lice čiji ukupan prihod domaćinstva prelazi

iznos jedne i po prosječne neto plaće isplaćene u Federaciji BiH u prethodnoj godini prema podacima Federalnog zavoda za statistiku.

Član 8.

(Način ostvarivanja prava)

Nadležni organ obrazovne ustanove sa područja Kantona dužan je u svojim aktima kojim propisuju uslove za upis redovnih učenika i studenata osigurati realizaciju prednosti branilaca i članova njihovih porodica iz članova 5. i 6. ove Uredbe, u roku od 30 dana od dana početka primjene ove Uredbe.

POGLAVLJE II. POMOĆ ZA NABAVKU ŠKOLSKIH UDŽBENIKA I PRIBORA

Odjeljak A. Uslovi za ostvarivanje prava

Član 9.

(Novčana pomoć za nabavku udžbenika i pribora)

- (1) Pravo na pomoć za nabavku školskih udžbenika i pribora za potrebe redovnog školovanja u osnovnim i srednjim školama na području Kantona, mogu ostvariti djeca branilaca koji imaju prebivalište ili boravište na području Kantona u trajanju od najmanje 24 mjeseca neprekidno do dana podnošenja zahtjeva, kao i povratnika u entitet Republiku Srpsku koji ostvaruju osnovna prava iz branilačko-invalidske zaštite u gradovima/općinama Kantona i koji su na evidenciji nadležnog organa za vojne evidencije u gradovima/općinama Kantona.
- (2) Pravo iz stava (1) ovog člana ostvaruje se kroz novčanu pomoć, a odluku o visini pomoći za nabavku školskih udžbenika i pribora donosi ministar Ministarstva za boračka pitanja Zeničko-dobojskog kantona (u daljnjem tekstu: Ministarstvo) svake godine, s tim da iznos ne može biti manji od:

- a) 200,00 KM – za nabavku školskih udžbenika i pribora za osnovne škole;
- b) 300,00 KM – za nabavku školskih udžbenika i pribora za srednje škole.

Član 10.

(Izuzeće)

- (1) Pravo iz člana 9. ove Uredbe ne mogu ostvariti lica:
 - a) koja obnavljaju istu godinu školovanja;
 - b) čiji su članovi porodičnog domaćinstva vlasnici ili suvlasnici subjekta koji obavlja privrednu ili drugu djelatnost, registrovanog kao privredno društvo,

c) kod kojeg ukupna primanja zajedničkog domaćinstva, po članu zajedničkog domaćinstva prelaze iznos od jedne polovine prosječne neto plaće isplaćene u Federaciji Bosne i Hercegovine u prethodnoj godini prema podacima Federalnog zavoda za statistiku.

(2) Prihod u smislu ovog člana čine primanja koje članovi domaćinstva ostvaruju po osnovu plaća i drugih primanja iz radnog odnosa, starosne, invalidske i porodične penzije, privredne, uslužne i druge djelatnosti i dopunskog rada.

(3) Prihodom se ne smatraju novčana primanja po osnovu branilačko-invalidske i socijalne zaštite, dodatak na djecu, stipendije i krediti učenika i studenata.

Odjeljak B. Način ostvarivanja prava

Član 11.

(Objavljivanje konkursa)

(1) Ministarstvo sačinjava konkurs za dodjelu pomoći i dostavlja gradskoj/općinskoj službi koja u skladu sa dostavljenom instrukcijom Ministarstva, objavljuje na oglasnoj ploči čime obavještava branioce i članove njihovih porodica o mogućnosti podnošenja zahtjeva iz člana 13. ove Uredbe.

(2) Tekst konkursa Ministarstvo obavezno objavljuje na web stranici Kantona i dostavlja kantonalnim udruženjima branilaca i članova njihovih porodica.

(3) O raspisanom konkursu gradska/općinska služba upoznaje korisnike prava i putem elektronskih i drugih medija sa područja grada/općine.

Član 12.

(Sadržaj konkursa)

Konkurs za dodjelu novčane pomoći sadrži podatke o:

- a) predmetu konkursa
- b) licima koja imaju pravo učešća na konkursu;
- c) kandidatima čije prijave neće biti uzete u razmatranje;
- d) kriterijima na osnovu kojih se vrši izbor kandidata;
- e) dokazima koje kandidati prilažu uz prijavu na konkurs i
- f) roku za prijavu na konkurs i organu kojem se ista podnosi.

Član 13.

(Podnošenje zahtjeva)

(1) Pravo na novčanu pomoć za nabavku školskih udžbenika i pribora može se ostvariti podnošenjem zahtjeva gradskoj/općinskoj službi nadležnoj za poslove branilačko-invalidske zaštite u gradu/općini u kojoj podnosilac zahtjeva ima prebivalište (u daljnjem tekstu: gradska/općinska služba).

(2) Zahtjev iz stava (1) ovog člana za djecu branilaca podnosi roditelj/staratelj na posebnom obrascu kojeg propisuje ministar Ministarstva u roku od sedam dana od dana stupanja na snagu ove Uredbe.

Član 14.

(Potrebna dokumentacija)

Uz prijavu na konkurs kandidati prilažu sljedeću dokumentaciju u originalu ili ovjerenoj kopiji:

- a) dokaz o statusu pripadnika branilačke populacije iz člana 3. ove Uredbe, a za djecu umrlih branilaca i izvod iz matične knjige rođenih korisnika prava i izvod iz matične knjige umrlih za roditelja;
- b) đlačku knjižicu, odnosno svjedočanstvo iz prethodne godine;
- c) izjavu o zajedničkom domaćinstvu (kućna lista);
- d) dokaz o visini prihoda podnosioca zahtjeva i punoljetnih članova zajedničkog domaćinstva:
 - 1) dokaz o prihodima zaposlenih – uvjerenje o prosječnoj plaći u posljednja tri mjeseca prije podnošenja zahtjeva, a kod vlasnika samostalne djelatnosti-Specifikacija za utvrđivanje dohotka od samostalne djelatnosti - obrazac SPR 1053 (koji se podnosi uz Godišnju poreznu prijavu/Godišnju prijavu dohotka) za prethodnu kalendarsku godinu, a u slučaju da samostalna djelatnost posluje manje od godinu dana dostavlja se potvrda ovlaštenog knjigovođe,
 - 2) u slučaju nezaposlenosti - uvjerenje nadležne Porezne ispostave o statusu osiguranika, odnosno da se isti ne vodi u jedinstvenom sistemu uplate doprinosa,
- e) uvjerenje nadležne Porezne uprave-Porezne ispostave kao dokaz da oni i članovi njihovog zajedničkog domaćinstva nisu vlasnici ili suvlasnici subjekta koji obavljaju privrednu ili drugu djelatnost, registrovano kao privredno društvo;
- f) izjavu o ukupnim prihodima domaćinstva i
- g) uvjerenje o kretanju (kao dokaz o prebivalištu).

Odjeljak C. Rangiranje i izbor kandidata**Član 15.****(Preliminarna lista prvenstva)**

- (1) Gradska/općinska služba je dužna sačiniti preliminarnu listu prvenstva, rangiranjem kandidata slijedećim redoslijedom:
 - a) djeca dobitnika ratnih priznanja i odlikovanja i umrlih dobitnika ratnih priznanja i odlikovanja po redoslijedu priznanja u skladu sa Zakonom o dobitnicima ratnih priznanja i odlikovanja ,
 - b) djeca ratnih vojnih invalida i umrlih ratnih vojnih invalida prema stepenu invaliditeta roditelja počev od I do X grupe i
 - c) djeca demobiliziranih branilaca i umrlih demobiliziranih branilaca prema vremenu provedenom u Oružanim snagama.
- (2) Preliminarnu listu prvenstva gradska/općinska služba ističe na oglasnoj ploči.

Član 16.**(Zahtjev za preispitivanje liste)**

- (1) Nezadovoljni kandidati imaju pravo podnošenja zahtjeva za preispitivanje preliminarne liste prvenstva, koji mora bit obrazložen i utemeljen na dokazima koji potvrđuju tačnost iznesenih navoda.
- (2) Zahtjev iz stava (1) ovog člana podnosi se gradskoj/općinskoj službi najkasnije u roku od osam dana od dana isticanja liste.
- (3) Gradska/općinska služba je dužna u roku od osam dana odlučiti o zahtjevu iz stava (1) ovog člana.

Član 17.**(Konačna lista prvenstva)**

- (1) Nakon razmatranja podnesenih zahtjeva za preispitivanje liste i dostavljanja odgovora podnosiocima istih, gradska/općinska služba sačinjava konačnu listu prvenstva kandidata za dodjelu novčane pomoći, pri čemu broj kandidata kojima će novčana pomoć biti dodijeljena zavisi od visine utvrđenih budžetskih sredstava opredijeljenih za taj grad/općinu.
- (2) Gradska/općinska služba dostavlja konačnu listu prvenstva Ministarstvu.

Član 18.**(Odobranje sredstava)**

- (1) Na osnovu evidencije o procentualnom učešću pripadnika branilačke populacije po gradovima/općinama u odnosu na njihov ukupan broj u Kantonu i u skladu sa programom utroška sredstava za tekuću budžetsku godinu, Ministarstvo vrši raspodjelu sredstava na gradove/općine Kantona.
- (2) U slučajevima većeg planiranog iznosa sredstava za određene gradove/općine od broja kandidata koji ispunjavaju uslove za dodjelu pomoći, ministar Ministarstva može izvršiti preraspodjelu istih sredstava na ostale gradove/općine.
- (3) Na osnovu dostavljene konačne liste prvenstva i u skladu sa odredbama stava (1) i (2) ovog člana, ministar Ministarstva donosi odluku o izboru kandidata za dodjelu novčane pomoći, koju Ministarstvo dostavlja gradskim/općinskim službama.
- (4) Po prijemu odluke iz stava (3) ovog člana, gradske/općinske službe su obavezne dostaviti pismenu obavijest kandidatima koji nisu ostvarili pravo na dodjelu sredstava za nabavku školskih udžbenika i pribora.

Član 19.**(Dostava i pravdanje sredstava)**

- (1) doznačenim sredstvima za isplatu novčane pomoći gradska/općinska služba obavještava korisnike putem medija i istim vrši isplatu putem tekućih računa.
- (2) Gradska/općinska služba je dužna Ministarstvu dostaviti pravdanje utrošenih sredstava, u roku od 15 dana po izvršenoj isplati.

DIO TREĆI - ZAVRŠNE ODREDBE**Član 20.****(Sredstva za ostvarivanje prava)**

Sredstva za realizaciju prava branilaca i članova njihovih porodica po ovoj Uredbi, osiguravaju se u Budžetu Kantona u skladu sa prilivom sredstava.

Član 21.**(Evidencija)**

Elektronsku evidenciju o podnesenim zahtjevima i korisnicima prava vode gradske/općinske službe i Ministarstvo, po obrascima koje propisuje ministar Ministarstva u roku od sedam dana od dana stupanja na snagu ove Uredbe.

Član 22.**(Instrukcije i nadzor)**

(1) U realizaciji ove Uredbe, ministar Ministarstva može donijeti odgovarajuće instrukcije.

(2) Nadzor nad provođenjem ove Uredbe ima Ministarstvo.

Član 23.**(Ravnopravnost spolova)**

Sve imenice koje se odnose na braniocima i članove njihovih porodica, upotrijebljene u ovoj Uredbi samo u muškom ili samo u ženskom rodu, odnose se na oba spola.

Član 24.**(Stavljanje Uredbe van snage)**

Danom početka primjene ove Uredbe prestaje važiti Uredba o prednosti u školovanju branilaca i članova njihovih porodica ("Službene novine Zeničko-dobojskog kantona" broj 4/14, 1/18, 15/21 i 14/24).

Član 25.**(Stupanje na snagu i objavljivanje Uredbe)**

Uredba stupa na snagu osmog dana od dana objavljivanja u "Službenim novinama Zeničko-dobojskog kantona", a primjenjivat će se od 01.01.2025. godine.

Broj: 02-02-21447/24
Datum, 27.12.2024. godine
Zenica

P R E M I J E R

Nezir Pivić, s.r.

8.

Na osnovu člana 16. stav (1) Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj 7/10 i 3/23) i člana 38. stav (2) Zakona o dopunskim pravima branilaca i članova njihovih porodica ("Službene novine Zeničko-dobojskog kantona" broj 15/24), na prijedlog Ministarstva za boračka pitanja, Vlada Zeničko-dobojskog kantona, na 63. sjednici, održanoj dana 27.12.2024. godine, d o n o s i

U R E D B U**O NAKNADI TROŠKOVA PODIZANJA NIŠANA/NADGROBNOG SPOMENIKA****DIO PRVI - OPĆE ODREDBE****Član 1.****(Predmet Uredbe)**

Ovom Uredbom utvrđuju se uslovi, način i postupak ostvarivanja prava na naknadu troškova podizanja nišana/nadgrobnog spomenika pripadniku Oružanih snaga, koji je poginuo ili umro kao učesnik u odbrani Bosne i Hercegovine u proteklom odbrambeno-oslobodilačkom ratu, a koji je sahranjen: na području Zeničko-dobojskog kantona (u daljnjem tekstu: Kanton) ili izvan područja Kantona, ukoliko je početkom agresije na Bosnu i Hercegovinu imao prebivalište na području Kantona ili na području entiteta Republike Srpske, a koji se nalazi na evidenciji nadležnog organa iz oblasti vojne obaveze u gradovima/općinama Kantona.

Član 2.**(Korisnik prava)**

Naknadu troškova može ostvariti član porodice ili drugo lice koje je vlastitim sredstvima izvršilo podizanje nišana/nadgrobnog spomenika šehidu/poginulom braniocu iz člana 1. ove Uredbe.

Član 3.**(Dokazivanje statusa)**

Kao dokaz o statusu šehida/poginulog branioca koristi se uvjerenje nadležnog federalnog ministarstva o svojstvu (pripadnosti), načinu i okolnostima stradanja pripadnika Oružanih snaga.

Član 4.**(Visina naknade)**

Naknada troškova odobrava se u visini jedne i po prosječne neto plaće isplaćene u Federaciji Bosne i Hercegovine u prethodnoj godini, prema podacima Zavoda za statistiku Federacije Bosne i Hercegovine.

DIO DRUGI - POSTUPAK OSTVARIVANJA PRAVA**Član 5.****(Podnošenje zahtjeva)**

(1) Zahtjev za naknadu troškova podizanja nišana/nadgrobnog spomenika zainteresovano lice podnosi gradskoj/općinskoj službi nadležnoj za poslove branilačko-invalidske zaštite na području kojeg je

